

四庫全書

子部

欽定四庫全書

子部

玉海卷八十二

詳校官給事中臣查善長

主事臣祁韻士覆勘

總校官進士臣朱 鈐

校對官編修臣蕭九成

騰錄監生臣李 駟

欽定四庫全書

玉海卷八十二

宋 王應麟 撰

車服

冕服

漢永平旒冕衣裳 王佩紉屨 漢冕冠 平

冕 龍袞

紀永平二年正月辛未宗祀光武於明堂帝及公卿列

侯始服冠冕衣裳玉佩紬屨以行事

詳見車服制度

注漢官儀

曰天子公卿特進諸侯祀天地明堂皆冠平冕三禮圖冕以三十升布漆而為之廣八寸長尺六寸前下後高有俛伏之形董巴輿服志顯宗初服冕衣裳以祀天地衣裳以玄上纁下徐廣輿服注漢明帝案古禮備其服章天子郊廟衣阜上絳下前三幅後四幅衣畫而裳繡禮記曰古者君子必佩玉天子佩白玉公侯佩山玄玉大夫佩水蒼玉世子佩瑜玉周禮屨人掌王赤舄青紬

鄭玄注云赤舄為上冕服之舄也絢履鼻頭以青綵飾

之

絢音幼

三禮圖曰屨複下曰舄其色各隨裳色

東京賦整法服

正冕帶珩統屨縱玉并綦會火龍黼黻藻緋犖厲徐廣車服儀制曰戰國以鞞非兵飾去之漢明帝復制鞞天子亦皮蔽膝

志聖人作冠冕纓黹以為首飾凡十二章天

子備章公自山以下侯伯自華蟲以下子男自藻火以

下卿大夫自粉米以下至周而變之以三辰為旂旗王

祭上帝則大裘而冕公侯卿大夫用九章以下秦滅去

禮學郊祀之服皆以初玄漢承秦故世祖都于土中始

修三雍正北七郊顯宗

永平二年

初服旒冕衣裳文章赤舄

絢履以祠天地養三老五更於三雍于時致治平矣天子三公九卿特進侍祠侯祀天地明堂皆冠旒冕衣裳玄上纁下乘輿備文日月星辰十二章三公諸侯山龍九章九卿以下華蟲七章皆備五采大佩赤舄絢履以承大祭百官執事者冠長冠皆祇服五岳四瀆山川宗廟社稷皆禘玄長冠五郊各如方色云百官不執事禘玄以從冕冠垂旒前後邃延玉藻孝明皇帝永平二年

初詔有司采周官禮記尚書皋陶篇乘輿服從歐陽氏
說公卿以下從大小夏侯氏說冕皆廣七寸長尺二寸
前圓後方朱綠裏玄上前垂四寸後垂三寸係白玉珠
為十二旒以其綬采色為組纓三公諸侯七旒青玉為
珠卿大夫五旒黑玉為珠

注獨斷曰三公諸侯九旒卿七旒與此不同

旁垂

黻纁郊天祀地明堂則冠之衣裳玉佩備章采乘輿刺
史公侯九卿以下皆織成注東觀書永平二年正月公
卿議春南北郊東平王蒼議高帝制長冠入宗廟陛下

以禮服龍袞祭五帝久無祭天地冕服之制天地之禮

冕冠裳衣宜如明堂制

志自冕冠至鵬冠其名十九冕冠長冠委貌皮弁

爵弁

通天

遠遊

高山

進賢

法冠

武冠

建華

方山

巧士

却非

却敵

樊噲

街氏

皆有纓黹執事及武吏皆縮纓垂五寸鵬冠無黹

東平王蒼傳中興三十餘

年蒼以天下化平宜修禮樂遂與公卿共議定南北郊

冠冕車服制度及光武廟八佾舞數東都賦修袞龍

之法服晉志漢承秦弊西京未有所制及明帝始采

周官禮記尚書及諸儒記說還備袞冕之服天子之冕

前後旒用真白玉珠魏明帝改以珊瑚珠晉初仍舊過
江服章多闕而冕飾以翡翠珊瑚雜珠侍中顧和奏改
用白玳珠 宋志漢承秦制冠有十三種魏晉以來不
盡施用 隋志陸澄議秦除六冕之制後漢始備古章
魏晉以來非祀宗廟不欲令臣下服袞冕位為公者必
加侍官故太子入朝因而不著但承天作副禮絕羣后
皇太子朝請服冕自宋以下始定此儀 宋泰始四年 唐志
顯慶元年長孫無忌曰漢明帝始采周官禮記制祀天

地之服天子備十二章 禮記王制疏虞夏之制天子祭服自日月而下十有二章六者畫於衣法天之陽氣之六律六者繡於裳法地之陰氣之六呂凡冕之制皆玄上纁下故注弁師云玄覆朱裏師說以木版為中以三十升玄布衣之於上謂之延也朱為裏以繒為之案漢禮器制度廣八寸長尺六寸又董巴輿服志云廣七寸長尺二寸皇氏謂此為諸侯之冕應劭漢官儀廣七寸長八寸皇氏以為卿大夫之冕服也蓋冕隨代變異

大小不同今依漢禮器制度為定

春秋正義阮誥三種圖漢禮器制度云冕

制皆長尺六寸廣八寸天子以下皆同沈引董巴輿服志云廣七寸長尺二寸應劭漢官儀云廣七寸長八寸沈又云廣八寸長尺六寸者天子之冕廣七寸長尺二寸者諸侯之冕廣七寸長八寸者大夫之冕古禮殘缺

未知孰是

玉藻疏漢明帝時用曹褒之說皆用白旒珠

深衣疏鄭以後漢之時裳有曲裾故以續衽鉤邊似漢時曲裾今時朱衣朝服從後漢明帝所為是今朝服之曲裾也

漢六冕

隋志周禮大裘之冕無旒三禮衣服圖大裘而冕王祀
昊天上帝及五帝之服秦除六冕唯留玄冕漢明帝永
平中始創制董巴志云漢六冕同制皆濶七寸長尺二
寸前圓後方 晉志漢承秦改六冕之制但玄冠絳衣

見下

漢衮衣

南齊輿服志衮衣漢世出陳留襄邑所織宋末用繡及
織成齊建武中采畫為之加飾金銀薄世亦謂為天衣

漢五時服 羣臣法服

禮儀志注織室作祭服天地宗廟羣臣五時之服

又云獻帝起居注中平六年令三府長史
兩梁冠五時衣袍事位從千石六百石 禮儀

志立春京師百官衣青衣郡國縣道官下至斗食
令史皆服青幘立夏衣赤求雨衣阜先立秋十八
日衣黃立秋衣白施阜領緣中衣迎氣禮畢皆衣
絳立冬衣阜迎氣禮畢皆衣絳冬至衣絳至立春
諸五時變服執事者先後其時皆一日 漢雜事

曰高祖時大謂者臣章受詔長樂宮令羣臣議天

子所服謂者趙堯舉春李舜舉夏兒湯舉秋貢禹

舉冬

五時服
始於此

張敞傳備阜衣二十餘年注如淳

曰雖有五時服至朝皆著阜衣 谷永傳擢之阜

衣之吏 郊祀歌帝臨章嘉服上黃 蔡邕傳臣

在宰府及備朱衣

謂祭
官也

丙顯從祠高廟至夕牲

日使出取齋衣 河東賦命羣臣齊法服 晉志

漢制一歲五郊天子與執事者所服各如其方色

百官不執事者服常服絳衣以從魏秘書監秦靜曰漢氏承秦改六冕之制但立冠絳衣而已魏已來名為五時朝服又有四時朝服又有朝服自皇太子已下隨官受給 隋志晉令皇太子給五時朝服遠遊冠裴正秦曰後周制冕加為十二色應五行又非典故案三代之冠六等之冕無迎氣變色之文唯月令起秦代乃有青旂赤玉白駱黑衣而不言弁冕案續漢書禮儀志云立春之日京都皆著青衣秋夏悉如其色魏晉迎氣五郊

行禮之人皆同此制考尋故事唯幘從衣色今請冠及
冕色並用玄唯應著幘者任依漢晉制曰可 續漢志

注獨斷曰公卿侍中尚書衣皂而朝者曰朝臣諸營校

尉將大夫以下不為朝臣賀循曰漢儀親耕青衣幘漢

舊儀曰凡齋紺幘耕青幘秋驅劉服緇幘 五時袍

見前

晉志魏明帝以公卿袞衣黼黻之飾疑於至尊多所

減損始制天子服刺繡文公卿服織成文晉遵而無改

西京賦緹衣韎鞞注武士之服也 周禮注今時伍伯

緹衣

漢后服 步繇 圭衣

志太皇太后皇太后入廟服紺上阜下蠶青上縹下皆
深衣制齒簪珥簪以瑇瑁為撻長一尺端為華勝上為
鳳皇爵以翡翠為毛羽下有白珠垂黃金鑷左右一橫
簪之以安齒 皇后謁廟服紺上阜下蠶青上縹下假
結步搖簪珥步搖黃金為山題貫白珠為桂枝相繆一
爵九華熊虎赤羆天鹿辟邪南山豐大特六獸詩所謂

副笄六珈者

禮追師注副之言覆

王后首服為副

其遺象若

今步繇疏漢之步繇謂在首之時行步繇動

野后賜馮貴人王赤

綬以未有步搖環佩加賜各一具

詩箋副既笄而加飾如今步搖上

飾 內司服注今世有圭衣蓋三翟之遺俗疏漢時有

圭衣刻為圭形綴於衣由周禮有三翟別刻繒綴於衣

漢俗尚有

漢弋綈

文帝紀贊身衣弋綈服御無增益注如淳曰弋阜也

傳賈誼曰帝之身自衣阜絺 東方朔曰孝文身衣
弋絺足履革舄衣緼無文 貢禹曰孝文衣絺履革

揚雄曰聖文絺衣不敝 杜篤云太宗衣無異采

後文
苑傳

文中子衣弋絺傷乎禮中焉可也 張安世

傳安世尊為公侯身衣弋絺注弋黑色絺厚繒 光

武身衣大練色無重綵 陸閏善著越布單衣光武

好之勅會稽獻越布 唐元和聖德詩斥遣浮華好

此絺紵

漢御浣衣

紀永平十八年肅宗即位十二月癸巳有司奏孝明皇帝劬勞日昃身御浣衣食無兼珍不以天下為樂 馬
廖傳上疏長樂宮曰元帝罷服官成帝御浣衣哀帝罷
樂府而侈費不息至於衰亂者百姓從行不從言也改
政移風必有其本陛下躬服厚繒斥去華飾 許后傳
上疏舊故中宮乃私奪左右之賤繒及發乘輿服繒為
待詔補注託言此繒擬待詔別有所補浣 東都賦昭

節儉示太素去後宮之麗飾損乘輿之服御 文王卑

服即功 禹惡衣服

漢繡袷

見錫予外夷類

漢貂裘

東平王蒼傳建初六年冬蒼上疏求朝明年正月帝許
之帝以蒼冒涉寒露遣謁者賜貂裘及太官食物珍果
七年八月蒼歸國復賜乘輿服御珍寶輿馬 天漢三

年西國獻吉光裘 唐太宗親解貂裘賜韋挺

漢賜車馬衣服 珍寶衣服 三公服 御衣

綬 賜帛 賜錦

後傳李忠與任光同奉世祖為右大將軍世祖自解所
佩綬以帶李忠會諸將問所得財物唯忠無所掠則以
所乘大驪馬及繡被衣服賜之 恭王祉建武二年封
為城陽王賜乘輿御物車馬衣服 馮異建武六年春
朝京師使中黃門賜珍寶衣服 郭伋建武十一年為

并州牧賜車馬衣服 樊曠與光武少游舊賜御
食及乘輿服物 郭賀為荊州刺史有殊政顯宗
召見賜以三公之服黼黻冕旒敕行部去襜帷使
百姓見其容服以章有德 丁鴻永平十年召見
賜御衣及綬 祭彤永平十二年為太僕顯宗美
彤清約賜錢馬衣被弓劍 廣陵侯元壽永平十
五年召見東平宮班賜御服器物又取皇太子輿
馬悉與之 藥崧為郎獨立臺上帝之詔大官賜

尚書以下朝夕餐給帷帳阜袍侍史二人 鄭均建

初六年告歸賜以衣冠 魯玉和帝因朝會召見諸

儒玉與賈逵黃香等相難帝善玉說特賜冠幘履襪

衣一襲 楊賜光和四年拜太常賜御府衣一襲

冠幘綬 周禮宮伯以時放衣裘注若今賦冬夏

衣 說文漢律曰賜衣者纁表白裏 後漢志立

秋遣使者齋束帛賜武官 注漢官名秩曰賜太尉將軍各六十匹執金吾

諸校尉各三十四 立春遣使齋束帛賜文官 注漢官名

武官倍於文官

秩曰賜司徒司空帛四十匹九卿十五匹古
今注曰建武八年立春賜公十五匹卿十匹

前紀武

帝元狩六年十月賜丞相至吏二千石百金千石至乘

從者帛蠻夷錦各有差 昭帝元鳳二年四月賜郎從

官帛元康三年春賜郎從官帛 王褒傳褒等為歌頌

以差賜帛 明紀永平六年獲鼎賜三公帛五十匹九

卿二千石半之 後傳任延為九真太守光武召見賜

馬雜繒 劉般建武十九年賜繒二百匹 祭彤為襄

賁令政清璽書勉勵增秩一等賜練百匹 淳于恭建

初元年詔美素行告郡賜帛二十匹遣詣公車

魏文帝解御袍賜薛夏以御衣賜張遼 晉咸寧三年

賜陳騫袞冕之服 晉盧志賜衣一襲鶴紋袍一領

晉平冕

晉志平冕王公卿助祭於郊廟服之王公八旒卿七旒
以組為纓色如其綬王公衣山龍以下九章卿衣華蟲
以下七章 宋志魏明帝以公卿袞衣黼黻之文擬
於至尊復損畧之 隋志平冕俗所謂平天冠也其

制玄表朱綠裏廣七寸長尺二寸加於通天冠上前
垂四寸後垂三寸前圓而後方垂白玉珠十有二旒
其長齊肩以組為纓各如其綬色傍垂黻纁琬珠以
玉瑱梁天監七年周捨議詔旨以王者衮服宜畫鳳
皇按禮有虞氏皇而祭畫鳳皇羽也皇是衣名非冕
明矣

後周常冠 十二冕

後周武帝時初服常冠以皂紗全幅向後襍髮仍裁為

四脚俗謂之幞頭

武帝宣政元年三月甲戌初服常冠以卑妙為之加簪而不施纓導若今

之折

唐會要折上巾軍旅所服今幞頭是也

通典曰武帝建

德中制折上巾隋志云中趙魏間謂之承露

通典後周設司服之官掌皇

帝十二冕祀昊天蒼五帝隨方色朝日青夕月素地祇黃神州社稷玄享先王加元服象食三老耕藉袞視朔大射山視朝宴驚皆十有二旒

唐冠冕制度

會要貞觀四年八月十四日

丙午

詔曰冠冕制度已備令

文尋常服飾未為差等於是三品以上服紫云云 六

典尚衣奉御供天子衣服詳其制度凡天子冕服十有

三 大裘冕至翼善冠 尚服掌供內服皇后之服三 裨鞠禮衣 內直郎

掌皇太子之服織染令掌供天子皇太子羣臣之冠冕

辨其制度天子之冠二通天翼善冕六大裘衮鷩毳絺

玄弁二武弁皮弁幘二黑介平巾帽一白紗太子之冠

三三梁遠遊進德冕二衮玄弁一皮弁幘一平巾臣下

之冠五高山遠遊進賢獬豸却非冕五衮鷩毳絺玄弁

二爵武曠三介平巾平巾綠曠武庫令袍之制五青緋黃白阜皆繡畫武豹鷹鷂之類 紀玄宗開元二年七月乙未焚錦繡珠玉於前殿戊戌禁珠玉錦繡停織錦坊 德宗大曆十四年六月己亥減乘輿服御 會要貞元七年十一月上問冠冕於宰臣董晉曰冠冕動有佩玉之響以節步也故禹致美於紱冕

唐天子冕服 大裘冕 皇后服 袞冕六服

志天子之服十四大裘冕祀天地之服也黑表纁裏無

旒金飾玉簪導袞冕踐祚饗廟征還遣將飲至加元服
納后元日受朝臨軒冊拜之服也衣畫裳繡以象天地
之色驚冕有事速主之服也毳冕祭海嶽絺冕祭社稷
饗先農玄冕蜡祭朝日夕月通天冠冬至受朝祭還燕
羣臣養老之服緇布冠始冠之服武弁講武出征蒐狩
禡類宜社賞祖罽社纂嚴之服禮志射皇
帝服武弁弁服朔日受
朝白紗帽視朝聽訟平巾幘乘馬之服又有黑介幘拜
陵之服白恰臨喪之服皇后之服三褱衣鞠衣鈿釵禮

衣

會要舊制云云

同志

顯慶元年九月長孫無忌等言

武德初撰衣服令天子祀天地服大裘冕無旒案周郊
被衮以象天戴冕璪十二旒與大裘異請服衮冕罷大
裘開元十一年張說請用大裘玄宗以大裘樸畧廢而
不用無忌又言親祭日月服五品之服是貴賤無分也
請諸祭皆用衮冕自是鷩冕以下天子不復用儀鳳二
年蘇知機上言請製大明冕十二章乘輿服之加日月
星辰龍虎山火麟鳳玄龜雲水等象鷩冕八章三公服

之毳冕六章三品服之黼冕四章五品服之詔下有司
議楊炯奏議遂寢知機之請 六典大裘冕無旒冕廣
八寸長一尺六寸 閻立德傳武德初遷尚衣奉御制
衮冕六服腰輿傘扇咸有典法 李德裕正服箴聖人
作服法象可觀汲黯莊色能正不冠楊阜慨然亦譏縹
紉四時所御各有其官

唐太子冕服

志皇太子之服六衮冕遠遊冠公服烏紗帽弁服平巾

饋進德冠

內直郎掌之

皇太子妃之服三褕翟鞠衣鈿釵禮

衣

通典開元禮皇太子正至受羣臣賀著從省服以

出若服袴褶羣臣及宮臣皆袴褶朝集使公服受宮臣

朝皇太子服遠遊冠絳紗袍以出禮志太子納妃服

袞冕出升金輅羣臣冕服

唐一品袞冕

志羣臣之服二十有一袞冕一品之服鷩冕二品之服

義冕三品之服絺冕四品之服玄冕五品之服平冕郊

廟武舞郎之服爵弁六品以下九品以上從祀之服武弁武官朝參服弁服文官九品公事之服進賢冠文武朝參三老五更之服遠遊冠親王之服法冠御史之服一名解廌冠高山冠內侍謁者之服委貌冠郊廟文舞郎之服却非冠亭長門僕之服平巾幘武官衛官公事之服黑介幘國官視品府佐謁府國子太學四門生俊士參見之服介幘登歌工人之服平巾綠幘供膳奉解之服具服五品以上陪祭朝饗拜表之服亦曰朝服從

省服五品以上公事朔望朝謁見東宮之服亦曰公服

唐翼善冠

進德冠

幘頭

志太宗常以幘頭起於後周便武事者也

馬周議裏頭者左右各三

摺象三才重繫前脚法二儀

方天下偃兵採古制以為翼善冠自服

之又制進德冠以賜貴臣

貞觀八年五月七日初服此冠

玉璫制如弁

服以金飾梁花趺三品以上加金絡五品以上附山雲

自是元日冬至朔望視朝服翼善冠衣白練裙襦常服

則有綉褶與平巾幘通用翼善冠進德冠制如幘頭皇

太子乘馬則服進德冠九璣加金飾犀簪導亦有綺褶
燕服用紫其後朔望視朝仍用弁服 會要貞觀
八年五月七日太宗初服翼善冠賜貴臣進德冠
因謂侍臣曰幘頭起於周武帝蓋取便軍容耳今
四海無虞當偃武事此冠頗采古法兼類幘頭乃
宜常服至開元十七年廢不用 宋朝淳化二年
十月五日詔檢討翼善冠制度及所用衣服 會
要唐制親王服遠遊三梁冠五品以上兩梁冠九品

金匱要略卷八十二
卷八十二
以上一梁冠武官凡中書門下九品以上服武弁平巾
幘御史服法冠

唐賜貂裘

韋挺傳太宗討遼東專主餉詔河北州皆取挺節度許
以便宜帝親解貂裘及中廄馬賜之

唐赭黃袍

志初隋文帝聽朝之服以赭黃文綾袍烏紗帽折上巾
六合鞞與貴臣通服唯天子之帶有十三鏤又有平頭

小樣巾百官常服同於庶人至唐高祖以赭黃袍巾帶
為常服

唐綾袍金玉帶

舊紀貞元七年十一月乙丑令常參官趨朝入閣不得
奔走朝會須服本色綾袍金玉帶 董晉傳德宗時金

吾將軍沈房常服入閣帝疑以問晉又問晉冠冕之制
對曰古者服冠冕以珮玉節步堂上接武堂下布武君
前趨進而已今或奔走致顛仆在式朝臣皆綾袍五品

而上金玉帶所以盡飾奉上故漢尚書郎含香老萊采
服君父一也帝然其言令羣臣衣本品綾袍金玉帶自
晉而復 會要貞元七年十一月九日詔常參官入閣
不得奔走復衣綾袍金玉帶八年十二月三日賜文武

常參官綾袍

會要貞觀二十二年十月八日

癸卯令

百寮朔望日服袴褶以朝

南齊志袴褶親戎纂嚴所服

開元二十

五年御史大夫李適之奏冬至大禮朝參并六品清
官服朱衣已下通服袴褶天寶十二載十一月十三

日制五品已上著珂傘貞元十五年四月歸崇敬以百官朔望朝服袴褶非古禮隋代始有服者請罷之奏可

唐章服 魚袋 龜袋 賜羣臣襲衣

見後

會要

兼實錄
六典

貞觀四年八月十九日

丙午

詔三品以上服

紫四品五品以上服緋六品七品以綠八品九品以青

馬周傳云品官舊制止黃紫於是云云皆周建白

龍朔二年九月二十三日

戊寅

孫茂道奏八品九品衣碧從之上元元年八月

戊戌

敕文

武官三品以上服紫金玉帶四品五品服緋金帶六品
七品綠銀帶八品九品青鍮石帶庶人黃銅鐵帶永徽
二年四月二十九日

舊紀五月壬辰
以下兼舊紀

給五品以上隨身

魚銀袋以防名命之詐出內必合之三品以上金飾袋

咸亨三年五月

未_レ

五品以上改賜新魚袋並飾以銀三

品以上各賜金裝刀子礪石一具武后垂拱二年正月

二十日都督刺史並準京官帶魚袋天授元年

志云
二年九

月二十六日改佩魚皆為龜久視元年十月三日三品

以上龜袋飾以金四品以銀五品以銅神龍元年二月
罷龜袋復給以魚九月十七日郡王嗣王亦佩金魚袋
景龍三年八月令特進佩魚散官佩魚自此始然貞外
試檢校官猶不佩魚景雲二年四月二十四日詔衣紫
者魚袋飾以金衣緋飾以銀開元三年八月駙馬都尉
從五品者假紫金魚袋八年二月十二日都尉刺史品
卑者假緋魚袋五品以上檢校試判官皆佩魚九月十
四日張嘉貞奏致仕者佩魚終身自是百官賞緋紫必

兼魚袋謂之章服當時服朱紫佩魚者衆矣 百官志

中尚令製魚袋給百官蕃客賜寶鈿帶魚袋則授鴻臚

通典天授二年八月左羽林大將軍建昌王攸寧借

紫衫金帶九月二十六日除納言依舊著紫帶金龜借

紫自此始 實錄神龍二年九月戊辰停京官六品以

下著緋袴褶各依本品開元二年二月癸卯詔軍人多

借緋魚無功者勅收取俟立功借二十五年五月丙子

詔緋紫之服除有戰功不得輒賞 列傳鄭餘慶每朝

會朱紫滿廷而少衣綠者品服太濫詔餘慶條奏懲革

高鉞轉起居郎陳得失穆宗嘉之面賜緋魚 鄭澣

文宗時侍講學士賜金紫服 牛叢為睦州宣宗賜金

紫謝曰臣今衣刺史所假緋即賜紫為越等乃賜銀緋

宣宗重惜服章有司具緋紫衣數襲從行以備賜或

年歲不用其一故當時以緋紫為榮 元魏太和十年

四月辛酉朔始制五等公服

唐錦袍

列傳張長瓘引兵討薛舉賜錦袍金甲 竇璡從秦王

平薛仁果賜錦袍 契苾明高宗時以戰賜錦袍寶帶

宋之問武后遊洛南龍門詔從臣賦詩左史東方虬

詩先成后賜錦袍之問俄頃獻后嗟賞奪袍以賜 魏

元忠神龍二年為右僕射謁告賜錦袍銀千兩 畢構

按察劔南睿宗賜璽書袍帶 張文瓘諫造宮室賜繒

錦百段 張暉還鄉上冢帝賜詩及錦袍繒綵 王維

得玄宗召見賜錦袍金帶 李白衣宮錦袍 韋綬為

學士德宗幸其院以蜀纈袍覆而去 李石文宗曰吾

聞禁中有金鳥錦袍二昔玄宗幸溫泉與楊妃衣之今

富人時時有之 回紇傳貞觀二十一年賜絳黃瑞錦

文袍 于闐貞觀二十三年賜錦袍 東女垂拱一年

賜瑞錦服 天竺傳開元中賜錦袍又賜新羅紫繡紋

袍 西突厥蘇祿開元五年來朝賜錦袍鈿帶魚袋七

事 開元六年六月敕益州
歲織十五領以賜諸蕃 南詔開元末賜錦袍 拔

悉蜜天寶初賜紫文袍 韋端符衛公故物記素錦袍

一具襟袂促小裁製絕巧密光爛爛如波旁出

李德裕詩鸞飛曳錦袍 漢文帝遺匈奴單于錦

袍

唐諸衛繡文袍

志玄宗時有詔殿中侍御史糾察諸衛大將軍中郎將
以下給袍者皆易其繡文千牛衛以瑞牛左右衛以瑞
馬驍衛以虎武衛以鷹威衛以豹領軍衛以白澤金吾
衛以辟邪

會要開元十一年六月敕

六典武庫令袍之制有五青

緋黃白皂注說文曰袍襦也絮曰襦緼曰袍令繡畫武
豹鷹鷄之類以助兵威 百官志少府監藏武庫袍襦
冬至元日以給衛士 李程傳德宗季秋出畋有寒色
顧左右曰九月猶衫二月而袍為不順時朕欲改月程
曰玄宗著月令十月始裘不可改

唐朱明服

肅宗紀性仁孝好學開元十三年三月甲午封忠王二
十六年六月庚子立為皇太子有司行冊禮

十月巳
巳冊

其

儀有中嚴外辦其服絳紗太子曰此天子禮也乃下公卿議太師蕭嵩左丞相耀卿請改外辦為外備絳紗衣為朱明服從之

通典云上手勅改為朱明服

唐賜時服

韋湊傳遷太原尹邊備修舉玄宗詔賜時服勞勉之

會要天授二年正月二十二日內出繡袍賜新除都督刺史其袍繡山形繞山勒回文銘曰德政惟明職令思平清慎忠勤榮進躬親延載元年五月二十二日內出

繡袍賜文武三品以上銘襟背各為八字回文

志以無為

法貞元七年三月

舊紀
士申

初賜節度觀察使新製時服

上以文采不常俾有足稱節度使以鵬

舊紀
作鵬

銜綬帶

取其武毅以靖封內觀察使以鴈銜儀委

舊紀作
威儀

取

其行列有序牧人有威儀也

儀委瑞草也瑞應圖
王者愛人則是草生

太

和六年詔袍襖之制三品以上服綾以鶻銜瑞草鴈

銜綬帶及雙孔雀

狄仁傑傳轉幽州都督賜紫袍

龜帶后製金字十二於袍以旌其忠

柳公權傳從文

宗幸未央宮帝駐輦曰朕有一喜邊戍賜衣久不時令
中春衣已給當賀我以詩 通典後周宇文護始袍加
下襪

唐八貂

百官志侍中二人左散騎常侍二人中書令二人右散
騎常侍二人皆金蟬珥貂左散騎與侍中為左貂右散
騎與中書令為右貂謂之八貂

宋志侍中左
貂侍常右貂

宋志徐

廣車服注曰北土寒涼本以貂皮暎額附施於冠 何

敬容傳回豐貂以步文昌聳高蟬而趨武帳

貂內勁外溫蟬清高

江總有華貂賦曰拜文槐而影度陪武帳而香浮

唐豸冠 法冠

會要乾元二年四月六日敕御史彈事仍服豸冠舊制
大事則豸冠衣朱衣纁裳白紗中單以彈之小事則常
服而已建中元年三月監察御史張著冠豸冠彈京兆
尹兼御史大夫嚴郢於紫宸殿上即位初侍御史朱放
請復舊制置朱衣豸冠於內廊有犯者御史服以彈又

令御史得專彈舉不復白於中丞大夫至是著首行之
賜魚袋自是日垂衣冠於宣政之左廊志殿中侍御
史元日冬至朝會戴黑豸升殿侍御史奏大事法冠云
云王義方傳顯慶元年擢侍御史具法冠對仗叱義
府下跪讀所言會要八月温造傳授侍御史知彈奏請復
朱衣豸冠示外庶不聽

唐青衿介幘

唐書咸通中禮部侍郎劉允章請諸生及進士第並謁

先師衣青衿介幘以還古制 禮志皇帝養老于太學
學生俱青衿服

唐澣衣

柳公權傳文宗時嘗與六學士對便殿帝稱漢文帝恭
儉因舉袂曰此三澣矣學士皆賀獨公權無言帝問之
對曰人主當進賢退不肖納諫諍明賞罰服澣濯之衣
此小節耳非有益治道者 杜牧傳孝武澣衣一肉不

畋不樂

憲宗

建隆袞龍服制度 乾德新造冠冕

唐至顯慶初諸祭惟用袞冕自大裘冕而下至翼善冠皆廢建隆元年二月九日禮院言崇元殿行四廟冊禮

袞龍服五月朔受朝通天冠絳紗袍請中尚少府修製

十九日禮院具制度令式袞冕前後十二旒二纒

謂之平天

冠玉簪導組帶袞服玄衣纁裳十二章白紗中單黼領

青襪襪裾黼膝單帶玉鈎釵大帶玉具劔玉佩元組綬朱鞞赤舄加金飾通天冠加金博山附蟬翠綉犀簪導

二十四 絳紗袍白紗中單朱領裸裾絳蔽膝白假帶方心

曲領白鞞黑烏從之二年聶崇義上三禮圖倣虞周漢

唐之舊詹事尹拙言衮冕而下合畫充耳尚書竇儀議

從之四年冬服之合祭園丘乾德元年閏十二月乙亥

二十七日 少府監楊格少監王處訥等上新造皇帝冠冕先

是郊祀冠冕多飾珠玉太祖以華而且重故命改製

太宗

亦命去珠玉之飾少府製於禁中祥符初元將東封四月乙卯有司言當服大裘詔依南郊服衮冕六年五月

朝拜聖像以
盛暑製單衣

三朝志 衮冕祭天地宗廟朝饗太清昭

應景靈宮受冊尊號元日受朝冊太子則服之通天絳紗大祭祀致齋出乘玉輅入乘金輅正至大會五月朔受朝則服之赭黃淡袍衫大宴服之黃襖袍衫紅袍常朝服之窄袍便坐視事服之皆阜紗折上巾通犀金玉環帶窄袍或御烏紗帽咸平五年理丞李坦言助祭官六冕衣裳畫繡不依古制詔禮院詳定制度改正 乾德元年閏十二月乙亥詔乘輿所服冠冕去珠玉之飾

建隆賜貂裘 乾德賜紫貂裘帽

建隆二年慕容延釗為山南東道節度是冬大寒遣中使賜以貂裘百子氈帳 乾德二年十一月命王全斌等伐蜀冬暮大雪上設氈帷於講武殿衣紫貂裘帽以視事謂左右曰我被服如此體尚覺寒西征將帥衝犯霜霰何以堪處即解裘帽遣中黃門馳驛賜全斌且諭旨諸將以不能徧及也全斌感泣 晏子春秋景公時雨雪三日不霽公被狐白之裘坐堂側陞晏子入見公

曰天不寒晏子曰古之賢君飽而知人飢溫而知人寒
逸而知人勞也君不知也公乃令出裘發粟以與飢寒
裾生惠氣袖起陽春 吹綸愧暖挾纊慙溫 齊被
狐白莫知人寒楚矜豹舄靡克已愆 翠雲之光青鳳之
煥

建隆賜錦袍 景德賜錦袍

建隆二年十一月己卯上始獵於近郊賜宰相樞密使
節度觀察使團使統軍侍衛諸軍都校錦袍康定元年

九月辛酉賜陝西軍士羊裘

言昔以塞上苦寒請以羊裘賜戰士一裘用五羊皮

聽軍士自製

翰林學士十月朔賜對衣紅錦袍淳化二年

以細花盤鵬錦袍下丞相一等

景德元年九月河北

轉運使劉綜言每歲朝廷遣使賜邊城冬服諸軍將校皆給錦袍唯轉運使副止放阜花丁亥并賜河東陝西三路使副方勝練鵲錦袍

祥符製宣聖冕服

祥符二年正月賜曲阜文宣王廟桓圭冕九旒服九章

熙寧八年七月國子監言唐開元中尊孔子為文宣王
內出衮冕之服以衣之宜用天子之製禮院言宜依官
品衣服令文宣王冕用九旒顏子已下各依郡國縣公
侯伯正一品至四品冠服制度從之崇寧二年八月改
用冕十二旒服九章又圖繪頒天下其執圭立戟並從
王者制度紹興十四年正月二十六日內出鎮圭以奉
文宣王初有司欲用珉上曰崇奉先聖豈可用假玉詔
以真玉圭降出

康定百官朝服

志康定二年十月少府監奏每大禮遣旌節主吏詣朝服法物庫定百官品位給朝服而有官卑品高官高品卑者難以裁定願勅禮院詳其制禮院約舊制奏衣服令五梁冠犀簪導珥筆朱衣朱裳白羅中單玉劔佩錦綬玉環一品二品侍祠大朝會服之中書門下加籠巾貂蟬三梁冠白紗單銀劔佩環諸司三品御史臺四品兩省五品侍祠大朝會服之中丞則冠獬豸兩梁冠銅

劍佩環四品五品侍祀大朝會服之六品去劍佩綬御
史則冠獬豸衣有中單以上准前法給朝服從之皇
祐三年詔問冠韋弁何服所執何玉禮院奏韋弁為
戎服於經無執玉之文三禮圖繪為執玉誤也皇祐
四年三月禮院以中單制不明考求以奏宜用繒素
而朱領緣領刺以黑白黼文五等祭服悉依此制詔
如太常議 慶厯三年三月丙申詔太常禮院諸小
祠獻官皆常服行事不合禮文自今並服四品以下

祭服

景祐袞冕制度圖

至和附

治平參定冕服

元豐附

志本朝冠服多沿唐舊循用之久有司寢為繁文漸以

失法度景祐二年八月丙子

二十七日

始詔內侍省與太常

禮院詳典故造冠冕

會要云裁定袞冕制度

蠲減珍華務從簡約

俾繪圖以進由是改製袞冕服冕版裁令廣八寸長一

尺六寸所謂翠旒碧鳳二十四犀瓶二十四琥珀瓶四

神帶二分旒玉鉤悉罷之而冕頂以青羅表繪龍麟以

代錦用紅羅裏繪紫雲白鶴錦上以金絲為網而舊以
金絲織八龍止存其四又以青羅繪龍麟飾筓及柱以
易錦補空地以雲龍細窠以易玉金輪等七寶其所施
花素墜天河帶組款幔帶六綵綬冕之金釦玉鐸皆裁
損輕於舊而以青羅繪龍麟錦為納言以代玉加黼纁
玉簪上衣用青羅以紅羅繡八章間以雲去細窠珠璣
飾下裳用紅羅繡藻粉米黼蔽蔽膝繡升龍二除帶首
黃金葉以銷金代之慶曆二年三月太常博士余靖言

大中祠用上公九旒九章冕服為初獻餘公卿皆七旒
冕制無差降小祠則公卿行事乖戾舊典宜詳周禮因
所祭鬼神等獻官冕服之制禮官議曰謹按衣服令五
旒冕衣裳無章卑綾綬銅裝劔珮四品以下為獻官則
服之請公卿祭服依舊從品外小祠如今以祭服行事
詔行焉至和三年九月一日學士王洙奏天子法服冕
旒形制重而華飾繁願集禮官參定詔禮院詳典禮繪
圖以進因勅御藥院更造其後稍增侈如故治平二年

同知太常禮院李育奏郊廟之制本尚純質袞冕之質
皆存法象冕以周官為本十二旒間以采玉加以紘纒
并填之飾袞以虞書為法十二章首以辰象別以衣裳
繪繡之采東漢至唐皆無珠翠龍錦犀寶七星雲鶴之
飾自大裘之廢額用袞冕古朴稍去法度尚存若魏明
用珊瑚江左用翡翠豈象天則數之義哉章聖封泰山
禮官請服袞冕帝曰前王服羔裘尚質也今有袞冕可
從近制豈有意於繁飾哉有司率意妄增仁宗詔禮官

章得象等議所減過半然不經之飾輕者尚存不能盡
如詔書王洙復議去繁飾漸還古禮而有司所造復如
景祐之前又按開寶通禮及衣服令冕服有定法無寶
錦之飾願復先王之制祖宗之法其袞冕之服及鞞綬
佩舄之類與通禮衣服令三禮圖制度不同者悉改正
八月乙卯詔禮院少府參定遂奏冕服以羅為之冕廣
一尺二寸長二尺二寸前圓後方黝上朱下金飾版側
白玉珠為旒貫以五采絲繩前後各十二旒旒各十二

朱絲組為纓青衣纁裳八章繪衣四章繡裳其中單革帶玉具劔玉佩朱韞之制已中禮令無復改為詔如景祐三年制悉去繪畫龍麟紫雲白鶴蹙金絲龍下裳除繡袞服並繪而不繡元豐元年十一月癸酉詳定禮文所言後漢用曹褒之說係白玉珠為十二旒國朝沿漢舊景祐中以叔孫通漢禮器制度為法青表紅裏非弁師所謂玄冕朱裏也請改用朱組為紘玉笄玉瑱以玄紘垂瑱以五采玉貫五色藻為旒記曰天子佩白玉

玄組綬韋彤五禮精義漢乘輿黃赤綬四采皆不合禮
又有大小之別今袞冕有六采織綬請改製從之二年

四月詳定正旦儀注所言元日受朝宜服通天絳紗

癸亥從之三年八月

長編九
月癸亥

又言袞冕八章在衣四章在

裳裳少二章與虞書相戾請改正繪日月星辰山龍華

蟲六章在衣繡宗彝藻火粉米黼黻六章在裳詔送禮

院而已政和三年四月議禮局上皇帝冕服之制七年

四月禮制局請明堂服袞冕

明道皇太后車服

明道元年十二月辛丑詔有司製后妃禮衣祭服及重翟等六車丙午太常禮院言禮衣請準袞服減二章衣去宗異裳去藻垂珠翠二十旒以袞衣為名詔冠名儀天時太后將恭謝宗廟二年二月乙巳服禕衣乘玉輅赴太廟改服袞衣儀天冠饗七室 淳熙三年九月二十五日執政言蒙宣示中宮禕衣上因言近風俗奢靡革弊當自宮禁始 唐制皇后服三等皇朝存

其名

元豐五冕服章

元豐元年十一月詳定禮文所言古者祭服玄衣纁裳以象天地之色裳之飾有藻粉米黼黻今祭服上衣以青其繡於裳者藻粉米五采圓花藉之黼用藍黻用碧黃虎堆粉米異章而畫不應古制請下有司制五冕之

服章袞冕之章九

衣繪龍山華蟲火虎堆裳繡藻粉米黼黻

鷩冕之章七

衣繪

華蟲火虎堆裳繡藻粉米黼黻

毳冕之章五

衣繪虎堆藻粉米裳繡黼黻

希冕之章

三

衣繪粉米
裳繡黼黻

玄冕衣無章裳刺黻其爵弁則緇衣纁裳

從之中單乘輿服飾以繡黼諸侯以黼服裳鷩毳冕者
用絳服希元冕爵弁者用青帶有采飾合單之異鞞以
上為前下為後於是進新圖佩玉為小帶以屬於革帶
天子用玉餘皆珉石畧依其色辨諸臣之等去銀鈎獸
面二年四月又去祀儀解劔脫烏履之節三年八月又
請羣臣冕服助祭執笏當事則搢笏六冕並用赤烏大
觀四年四月議禮局官宇文粹中議改衣服制度

政和二年八月以大觀中所上羣臣祭服制度付
有司依畫圖製造三年四月又上羣臣祭服之制
蘇紳陳便宜八事四曰異服章有執技之人與
丞郎清望同佩金魚內侍班行與學士同服金帶
宜加裁定使采章有別 舊制文臣借緋紫服皆
不佩魚政和元年十一月丙子始詔許佩魚 三
禮圖三公八命而下服毳冕諸家禮圖皆不載三
公之冕

元豐大裘議

元豐五年詳定官言周禮司服云王祀昊天上帝服大裘而冕享先王則袞冕唐開元禮開寶通禮詣行宮大次服袞冕出次則改服大裘臨燔柴則脫袞服裘請從唐制詔下參議禮官咸謂大裘冕無旒玄表朱裏以繒為之以黑羔皮為裘黑繒為領袖詳定官陸佃謂大裘之冕無旒非是古者裘必有衣服裘而以袞襲之此冬祀之服也請冬至禋祀服裘被袞其餘祀天地並服袞

去裘

四年十月乙亥詳定所言

其後禮部言經有大裘而無其制隋

唐猶可考隋制以黑羔皮為裘黑緇為領袖及裏緣袂

可運肘長可蔽膝中單當在大裘之下請改製

六年五月己卯

上言六年十一月丙午郊祀帝始服通天冠絳紗袍乘輅

以出至景靈宮止大次加大裘而被袞冕元祐元年五

月禮部言大裘作短袍樣仍與袞服同冕未合典禮下

禮部太常議上官均吳安詩常安民劉唐老龔原姚勗

請依元豐新禮丁隲請循祖宗故事王愈請做唐制朱

光庭周秩請以玄衣製裘獨禮部郎何洵直在元豐預

詳定以陸佃所議有可疑者八請從唐制兼改製大裘

以黑緇為之佃復破其說請從先帝所定其後詔去黑

羔皮而以黑緇製造焉 書目大裘議一卷何洵直陸

佃等撰元豐中洵直等已定大裘制度元祐元年再上

議佃更加看詳太常少卿朱光庭丞周秩博士丁隲等

十一人皆入議狀 紹興十三年九月八日禮部侍郎王
賞等言即祀服大裘被衆請依何洵

直緇以黑
緇如舊制 志大觀中命宇文粹中編祭服制度大要

述元豐議至政和有司請如圖製造而冕服益盛
宋齊郊天服衮冕梁天監七年許懋請造大裘從之

紹興冕服議

紹興元年宗祀僅有朝服十三副祭服六十二副

四年四月

增進祭服
六十三副

四年五月國子丞王普言冕服始於黃帝堯

舜而大備於周故孔子云服周之冕王之三公八命服
鷩冕八旒衣裳七章其章各八孤卿六命毳冕六旒衣
裳五章其章各六大夫四命希冕四旒衣裳三章其章

各四上士三命玄冕三旒中士再命玄冕一旒下士一命玄冕無旒衣皆無章裳黼視命數自三公而下其纁玉并衡紘統璜纁帶佩芾舄中衣皆有等差近世冕服制度沿襲失真多不如古夫後方而前圓後仰而前俛玄表而朱裏此冕之制也今方圓俛仰幾於無辨且以青為裏而飾以金銀矣其衣皆玄其裳皆纁裳前三幅而後二幅此衣裳之制也今則衣色以青裳色以緋且為六幅而不殊矣山以章也今以墮火以圓也今以銳

宗彝虎雉之彝也乃畫虎雉之狀而不為彝粉米米而粉之者也乃分為二章而以五色圓花為藉佩有衡璜琚瑀衝牙而已乃加以雙滴而重設二衡綬以貫佩玉而已乃別為錦綬而貫以雙環以至帶無紐約帶無肩頭烏無鉤纒中衣無連裳訛謬未暇悉舉祖宗以來屢嘗講究以舊服數多未免因循今舊服無有存者欲請因茲改作二十五日禮部看詳請送奉常修改從之

又普

撰深衣制度一卷有
序一篇釋音一卷

十六年四月四日癸卯命禮官考

古製祭服

乾道皇太子冠服制度

乾道元年八月十七日癸巳詔製造皇太子冠服依禮部太常所定制度禮官言至道二年定制服遠遊冠朱明衣執植圭政和五禮新儀遠遊冠十八梁博山附蟬犀簪導紅絲纓朱明服紅裳白紗中單絳紗蔽膝白鞞黑烏袞冕垂珠九旒紅絲纓青纊充耳犀簪導青衣朱裳九章五章在衣四章在裳蔽膝隨裳色為火山二章

瑜玉雙佩四采大綬施玉環三白鞶朱舄從之

冠禮

周冠頌 漢冠辭 冠頌

家語冠頌篇

又大戴禮
公冠篇

孔子曰成王年十有三而嗣立

明年夏六月冠而朝于祖以見諸侯周公命祝雍作頌

曰祝王達而勿多祝雍辭曰使王近於民遠於年蓄於

時惠於財親賢而任能

一作祿
賢使能

其頌曰令月吉日王始

加元服去王幼志

一作心

服袞職欽若昊天六合是式率

爾祖考永永無極此周公之制也

通典成王年十五而冠文王年十二冠

太平御覽周書曰成王時加元服周公使人來零陵取竹為冠

郊持牲諸侯有冠禮

夏之末造也

儀禮士冠禮始加祝曰令月吉日始加

元服棄爾幼志順爾成德壽考維祺介爾景福再加曰

吉月令辰乃申爾服敬爾威儀淑慎爾德麋壽萬年永

受胡福三加曰咸加爾服醴辭曰甘醴惟厚嘉薦令芳

拜受祭之以定爾祥承天之休壽考不忘醢辭字辭曰

令月吉日昭告爾字爰字孔嘉髦士攸宜適子冠於阼

以著代也醮於客位加有成也三加彌尊諭其志也冠而字之敬其名也無大夫冠禮而有其昏禮古者五十而后爵何大夫冠禮之有公侯之有冠禮也夏之末造也天子之元子猶士也天下無生而貴者也左傳季武子曰君冠以裸享之禮行之以金石之樂節之以先君之祧處之通典周禮有服冕之數而無天子冠文大戴禮公冠四加天子亦四加家語冠頌云王太子之冠擬諸侯之冠周制士冠禮頗備王者采行焉漢改皇

帝冠為加元服惠帝加元服用正月甲子若丙子吉

紀惠

四年三月甲子皇帝冠

昭帝元鳳四年正月丁亥帝加元服

冠者首所

著故曰元服及黜傳叙上正元服

冠辭曰陛下擣著先帝之光輝以承

皇天之嘉祐欽奉仲春之吉辰普遵大道之郊域秉率

萬福之丕靈始加昭明之元服推遠冲孺之幼志蘊積

文武之就德肅勤高祖之清廟六合之內靡不蒙福承

天無極

見大戴禮後漢禮儀志引博物記云云

後漢乘輿初加緇布進賢

次爵弁次武弁次通天冠訖皆於高廟謁見和帝冠以

永元三年正月甲子

東安為賓賜東帛乘馬賜諸侯王至列侯宗室黃金將大夫郎史從

官帛賜民爵及東帛大脯五日 禮二屬冠 乘金根車駕六玄虬至廟成禮 以曹襄新 **黃香頌曰**

以三載之孟春建寅月之上旬皇帝時加玄冕簡甲子

之元辰皇輿幸夫金根六玄虬之連卷建螭龍以為旂

鳴節路之和鑿既臻廟以成禮乃迴軫而反宮正朝服

以饗宴撞太簇之庭鐘祚蕃屏與鼎輔暨夷蠻之君王

咸進爵於金罍獻萬壽之玉觴順帝以初月丙子加元

服於高廟獻帝興平元年正月甲子加元服司徒淳于

嘉為賓東晉祝文曰今月吉辰始加元服皇帝穆穆思
弘袞職欽若昊天六合是式率遵祖考永永無極眉壽
惟祺介爾景福 唐志皇帝加元服有司卜日告天地

宗廟前一日尚舍設席太極殿中楹蒲筵紛純加藻席
緇純次席黼純有司設次展縣設案陳車輦如元日其
日侍中版奏中嚴有司設壘洗於阼階殿中監陳袞服
緇纓玉簪及櫛同箱尚食實醴尊於東序外帷內站在
尊北實角解柶各一饌陳尊西籩豆十二俎三袞冕玉

導置於箱侍中奏外辦皇帝服空頂黑介幘絳紗袍出
自西房即御坐太尉跪脫幘太師降盥受冕祝曰令月
吉日始加元服壽考維祺以介景福乃跪冠設簪結纓
皇帝興適東房袞服出即席南向坐太尉洗解酌醴太
師受醴祝曰云云殿中監奉饌在位者再拜 禮記疏
玉藻云玄冠朱組纓天子之冠也鄭注始冠之冠也是
天子別有冠禮皇氏云天子元子惟冠同於士 後魏
志司馬彪云漢帝有四冠一緇布二進賢三武弁四通

天冠裴頡作冠儀不知有四家語冠頌篇四加冠公也

本支百世有秩斯祜申錫無疆承天右序帝眷明德

錫茲祚嗣諏日惟吉爰舉嘉事邦家之慶金相玉質

君親臨之威儀孔秩膺此嘉禮維新厥德鼓鐘喤喤

威儀抑抑陳其清酒維尊及甌成以和奏崇牙植羽

一人是臨威儀肅肅克成厥德申以百祿備禮三

加其服奕奕正纓于朝允有成德磬筦將將德成禮

具永言保之申錫多祜體正色齊禮義以興既多受

祉永觀厥成 百禮既洽福祿成之

樂章

漢皇太子冠 唐皇太子冠

景紀後三年正月皇太子冠賜民為父後者爵一級

元紀

元寧元年正月皇太子冠賜爵 通典漢宣帝冠太子以正月

五年元賜

丞相將軍列侯中二千石大夫一人帛一級 冠諸王遣使

行事 元延四年定陶王入朝成帝美其材為加元服而

香殿下顧謂諸王曰此天下無雙江夏黃童 下邳 魏

氏冠太子再加晉太子冠臨軒使司徒加冠光祿大夫

贊冠

秦始皇七年正月丙午太子冠賜王公已下帛

齊武帝從王儉議使太常

持節一加冠大鴻臚為贊梁天監十四年正月乙巳朔

臨軒冠太子於太極殿舊制太子遠游冠金蟬翠綵纓

詔加金博山唐貞觀五年正月有司言太子將行冠禮

宜用二月上令改用十月八年二月三日乙巳太子加

元服永徽六年二月五日太子加元服賜醑三日為父

後者爵一級顯慶四年十月丙午十二日太子弘加元服

赦天下開元八年正月十一日甲子太子加元服翼日

乙丑謁太廟十三日丙寅宴百官太極殿

制曰正于萬國祝以三加

志皇太子加元服司徒為賓御為贊冠有司設御幄於太極殿展縣設按陳車輿皇帝服通天冠絳紗袍乘輿出自西房即御坐侍中曰將加冠於某之首公其將事至御前曰公其贊冠賓再拜受制書皇帝入自東房賓贊出門以制書置于按引以幡節威儀饒吹及九品以上皆詣東宮朝堂冠日宮臣皆朝服集重明門外朝堂宗正卿乘車承傳在位者再拜左庶子稱禮畢

匡衡上疏適子冠于祚禮之用醴衆子不得與所以貴
正體明嫌疑也非虛加其禮文而已 筮辰協吉撰禮

備容

宋孝武建
平五宏表

史稱周頌之年傳記魯襄之禮粵

若敬始謂之成人

開成七
年制

稟瑞辰象儲靈日域

玉英殊惹之玄貺日角山庭之峻格漢幄增輝堯門

有赫 佩觿之際聿彰明類之姿對日之初早振溫

文之德 進退可度周旋中規豁若淵沖之量端然

玉粹之姿五勝之言蓋由異稟大成之度信出生知

亨期俯協冠禮斯陳曠華纓而粲粲我爵弁以斌斌
啓嘉會於中闈動歡聲於紫宸正容體兮道昭備服順
辭令兮誼協成人 義易考祥契黃離之元吉漢詩載
美歌皓月之重輪 觀吏牘以知遠朝寢門而竭忱

晏殊

皇太子
冠禮賦

祥符皇子冠禮

祥符八年十二月戊寅承天節羣臣上壽是日皇子

慶

公加冠禮輔臣面賀宗室賀於內東門司天言日輝珥

直抱氣戊子集賢校理晏殊上皇子冠禮賦詔獎之辛卯進封壽春郡王制曰辯惠之性言必有章趨進之容

動皆合禮維城之制載協周邦半楚之封尚遵漢牘

會要

近制加冠者止加烏紗折上巾不用開寶禮

大觀二年八月十七日詔詳

定皇太子冠禮十一月十七日親製冠禮沿革十一卷

政和四年二月二日禮制局定皇長子冠禮十七日癸

酉行禮於文德殿掌冠以禮部尚書贊冠以鴻臚卿列

黃麾細仗於殿庭皇太子初行欽安之樂作祝曰咨爾

元子肇冠於阼筮日擇賓德成禮具於萬斯年承天之
祐乃冠折上巾順安之樂作祝曰爰即令辰申加元服
崇學以齒三善皆得副予一人受天百福乃冠遠遊冠
懿安之樂作祝曰三加彌尊國本以正無疆惟休有室
大競懋昭厥德保茲永命乃冠袞冕成安之樂作敕戒
曰事親以孝接下以勤遠佞近義祿賢使能古訓是式
大猷是經 政和御製冠禮有後漢何休冠儀約制晉
王堪冠禮儀 寶祐二年九月癸亥詔皇子以日南至

行冠禮十月癸酉進封忠王丁亥詔臣清叟為賓師彌
主禮十一月壬寅行冠禮 家語邾隱公將冠問禮於
孔子子曰其禮如世子之冠雖天子之元子猶士也
其禮無變天下無生而貴者也行冠事必於祖廟

郊特牲疏大戴禮有公冠篇加玄冕為四加 荀

子天子諸侯子十九而冠冠而聽治 禮記冠義

冠者禮之始也古者聖王重冠冠禮筮日筮賓所
以敬冠事敬冠事所以重禮重禮所以為國本故

冠於阼以著代也醮於客位三加彌尊加有成也已冠而字之成人之道也見於母母拜之見於兄弟兄弟拜之成人而與為禮也玄冠玄端奠摯於君遂以摯見於鄉大夫鄉先生以成人見也成人之者將責成人禮焉故曰冠者禮之始嘉事之重者也古者行之於廟所以尊重事



玉海卷八十二

欽定四庫全書

子部
玉海卷八十三

詳校官給事中_臣查善長

主事_臣祁韻士覆勘

總校官進士_臣朱鈐

校對官編修_臣蕭九成

謄錄監生_臣李騫

欽定四庫全書

玉海卷八十三

宋

王應麟

撰

車服

旌旗

荀勗西九星一曰天旗

爾雅注旄首曰旌有鈴曰

旂

黃帝五旗 牙旗

外紀有熊制陳法設五旗五麾天下不順者征之東至海西至空桐南至于江北逐葷粥而邑于涿鹿之阿

通典黃帝振兵教熊羆貔貅云云

同上

世本黃帝作旃

河圖風后曰予告汝帝之五旗東方法青龍曰旗西

方法白虎曰典南方法赤鳥曰箄

一作

北方法玄武曰

旂中央法黃龍曰常

黃帝出軍決有所攻伐作五采

牙幢始立牙之日吉氣來應旗幟指敵或從風舉勇氣

奔逸是謂堂堂之陣正正之旗此大勝之徵

青牙旗引
東亦南白

西黑北
黃中

列子黃帝與炎帝戰阪泉以鷩鷩鷹鳶為旗

幟蓋旌旗之始也

堯進善旌 舜告善旌

見招諫類 文選王融策秀才文或揚旌求士注管子

曰舜有告善之旌

舜太常

子華子舜游巖廊之上被袵衣而鼓五弦之琴畫日月

于太常 釋名曰言常明也 備十有二章黼黻玄黃爛如也 禮司常疏

聖人與日月齊明旌旗畫日月象之臧哀伯云三辰旂旗昭其明也太常畫日月魚有星書疏王肅以為舜時三辰即畫於旌旗廣雅云天子之旌高九仞春秋疏曰穆天子傳天子建日月七星

舜皐游

史記秦之先大費與禹平水土舜曰咨爾費

是為伯翳

贊禹

功其錫爾皐游索隱皐色旒旆

後漢志秦立旗皐游

從水德

虞旂 夏綏 魯四代旌旗

明堂位有虞氏之旂

下文言有虞氏之綏

夏后氏之綏殷之大白

周之大赤注四者旌旗之屬綏當為綏虞當言綏夏當
言旂此蓋錯誤綏謂注旄牛尾於杠首所謂大麾書曰
武王右秉白旄以麾禮王建大旂以賓建大赤以朝建
大白以即戎建大麾以田正義此論魯有四代旌旗虞
綏但注旄竿首未有旒綖夏旂漸文既注旄竿首又有
旒綖大白大赤各隨代之色無所畫也 王制天子下

大綏注有虞氏之旌旗也 通典夏奚仲為車正建旗
旒旒以別尊卑等級 巾車注大麾色黑夏后氏所建

司常疏夏采注云禹貢徐州貢夏翟之羽有虞氏以

為綏後世或無染鳥羽象而用之

冬官鍾氏
染鳥羽

荀子武

王誅紂垂之赤旆 墨子天賜武王黃鳥之旗

夏旌旗 旂常

宋禮志夏建旌旗以表貴賤 隋志奚仲為夏車正加

以旂常於是旒就有差用明尊卑之別

商龍旂

周龍旂

又見
下

渠門赤旂

綉葆

商頌玄鳥龍旂十乘大輅是承疏諸侯建龍旂助祭

魯頌龍旂承祀疏建交龍之旂 周頌載見龍旂陽陽

和鈴央央倬革有鷁注陽陽言文章和在軾前鈴在旂

上 齊語管子葵丘之會天子使宰孔致胙于桓公賞

服大路龍旂九旒管子云渠門赤旂注渠門兩旗所建

以為軍門若今牙門也赤旂大旂也管子注渠門旗名左傳

分魯公以大旂文龍為旂分康叔以少帛離帛精棧大赤也取

東京賦旌旗通帛為旂析羽為旌吳語建肥胡幡白常白旂

赤常赤旗玄常玄旗詩出車疏文王時未制周禮則

荀子禮論龍旂九斿所以養信 呂氏春秋孟春載青
旂注交龍為旂載者若今之雞翹車是也 漢書韋孟

詩肅肅我祖國自豕韋黼衣朱黻四牡龍旂云云摠齊
羣邦以翼大商注應劭曰旗上畫龍為之國語云豕韋
為商伯 後漢志注東觀書永平二年正月東平王蒼
議曰旂有龍章日月以備其文

周九旗 大常 旂 旛 物 旗 旗 旛 旛

旛 旛 巾車旗物 大閱旗物 大旂

春官司常

中士二人

掌九旗之物名各有屬以待國事日月

為常交龍為旂通帛為旌雜帛為物熊虎為旗鳥隼為

旗龜蛇為旒全羽為旟析羽為旌

注物名者所畫異物則與名屬謂徽織也

大傳謂之徽號今城門僕射所被及亭長著絳衣皆其

舊象通帛謂之大赤從周正色無飾雜帛者以帛素飾

其制白股之正色全羽析羽皆五采繫於旟旌之上所

謂注旒於干首凡几旗之帛皆用絳疏周建子物萌

色赤殷建丑為正物牙色白詩干旒干旌注云孤卿建

旟大夫建物首皆注旒太常已下首皆有旒羽周尚赤

故爾雅云及國之大閱贊司馬頒旗物王建大常

注王畫日

纁帛絳也

月象天諸侯建旂

畫交龍一家升朝一家下復

孤卿建旌

不畫言奉王之政教

而已 聘禮 使者載禮

大夫士建物

雜帛言以先王正道佐職也 疏中亦旁白白是先王殷之

正師都建旗

六鄉六遂大夫鄉遂出軍 賦熊虎象其守猛莫敢犯

州里建旗

鳥隼象勇

校 縣鄙建旒

龜蛇象捍 難避害

道車載旒

象路也王以 朝夕燕出入

旒車載

旌

木路也王以田以鄙全羽析羽五色象其文 德也大闕王秉戎路建大常玉路金路不出

皆畫其

象馬官府各象其事州里各象其名家各象其號

徽識以題

別衆臣樹之於位朝各就馬 三者旌旗之細也異外內

凡祭祀各建其旗會同賓

客亦如之

注皆建 大常

置旌門

掌舍設 旌門

軍事建旌旗致民置

旗檠之甸亦如之

巾車

下大夫 二人

辨旗物玉路建大常

十有二旂以祀

九旗之畫日月者正幅為旂旒則屬馬

金鼓建大旂以賓

九旗之畫文龍者

象路大赤以朝

九旗之通帛

革路建大白以即戎

殷之旗猶周大赤蓋象正色也

周書尅殷武王乃手大白以麾諸侯百大荷素質之旗以前于王世俘云

王佩赤白旂

木路建大麾以田

不在九旗中以正色言之則黑夏后氏所建

夏

官大司馬中秋教治兵王載大常諸侯載旂軍吏載旗

師都載旂鄉遂載物郊野載旒百官載旗各書其事與

號節服氏袞冕六人維王之常司勳凡有功者

銘書王之常祭於大烝司勳詔之

注生則書于王旌識其功書君牙

威績紀
于大常

冬官斡人龍旂九旂以象大火也

注史龍為旂諸侯之

所建也大火蒼龍宿之心其屬有尾尾九星疏車上皆建旂旂故因說旂旂之義已下九旂七旂六旂四旂之旂旂皆謂天子自建若臣下皆依命數然天子以十二為節而今建九七六四旂者上得兼下也尾九星九旂所象此謂天子能旂其上公亦九旂若侯伯則七旂子男則五旂大行人所云是也樂記曰龍旂九旂天子之旂也與人疏案禮緯

鳥旗七旂以象鷩火也

注鳥

諸侯旗齊於大夫齊較

熊旗六旂以象伐

也注熊虎為旗師都之所建也伐屬白虎宿與參連體而六星

龜蛇四旂以象營室

也注龜蛇為旂縣鄙之所建營室屬玄武宿與東壁連體而四星

弧旌枉矢以象弧也

注觀禮曰侯氏載龍旂弧韜則旌旂之屬皆有弧也弧以張絳之幅有衣謂之緡又為設天象弧星有矢也坎星有枉天者蛇行有毛目此云枉天蓋畫之也疏弧旌者弧弓也旌旗有弓所以張絳幅弓上畫枉天於上韜韜也以衣韜其弓月令帶以弓韜是也晉志弧九星在狼東南天弓也 轉人此制與周官不合四旗非周制亦非前代之制正合曲禮之言然則戰國之制乎

秋官大行人上公建常九

旂侯伯七旂子男五旂

注常旌旗也

明堂位是以魯君孟

春乘大路載弧韜旂十有二旒日月之章祀帝于郊配

以后稷天子之禮也

左傳分魯公以大旂水言觀其旂其旂棧棧

有虞氏

之旂夏后氏之綏商之大白周之大赤 左傳三辰旂

旗昭其明也注日月星畫於旂旗象天之明疏九旗之物唯日月為常不言畫星者蓋大常之上又畫星也穆天子傳稱建日月七星蓋畫北斗七星也 通典黃帝振兵教熊羆貔貅制陳法設五旗五麾夏后氏奚仲為車正建其旂旒殷因之周制司常掌九旗云云

周虞旗 虞旌

地官山虞若大田獵則萊山田之野及樊田植虞旗于中致禽而珥焉注山虞有旗以其主山得畫熊虎其仍

數則短也

山多虎故用熊虎

澤虞若大田獵則萊澤野及弊田

植虞旌以屬禽注澤鳥所集故得注析羽 大司徒大

軍旅田役以旗致萬民而治其徒庶之政令 鄉師凡

四時之田及期以司徒之大旗致衆庶而陳之以旗物

辨鄉邑而治其政令刑禁注司徒致衆庶者以熊虎之

旗 遂人若起野役則令各帥其所治之民而至以遂

之大旗致之注遂之大旗熊虎 天官獸人及弊田令

禽注于虞中注置虞人所立虞旗之中 夏官田僕凡

田令獲者植旌 大司馬大閱司馬建旗于後表之中

以旌為左右和之門 儀禮鄉射君國中射則皮樹中

以翹旌獲 疏用羽為之 白羽與朱羽糝 注燕射也以翹旌獲尚文德也 於郊

則閭中以旌獲 大射也析羽為旌 於竟則虎中龍旌 與鄰同君射也直龍

於旌尚文車也通帛為旌 大夫兕中各以其物獲士鹿中翹旌以獲

詩車攻悠悠旆旌建旄設旒搏獸于教注田者褐纏

旃以為門天子發抗大綏諸侯發抗小綏疏舉綏為表

抗綏謂既射舉之因置虞旗於其中受而致禽馬受禽

獵止則弊之故王制曰下大綏

下謂弊之

齊招虞人以旌

不至 楚公子圍為王旌以田

周獲旌

又見上

更旌

春官司常凡射共獲旌歲時共更旌注獲旌獲者所持
旌更旌取舊予新 夏官服不氏射則贊張侯以旌居
乏而待獲 田僕令獲者植旌注以告獲也 儀禮鄉
射司馬命獲者執旌以負侯大射儀獲者坐而獲舉旌
以宮偃旌以商 孟子齊景公田招虞人以旌不至

周龍章

司馬法

禮中車疏引之

天子之義章夏后氏以日月象

一作明上

也商以虎尚

一作上

威也周以龍尚

一作上

文也注章畫飾

也

中車疏周雖以日月為常以龍為車

明堂位周以龍章為冕服之韍

郊特牲旂十有二旒龍章而設日月以象天也

注魯禮

詩六月宣王北伐也織文鳥章白旆央央注錯革鳥

為章

疏畫急疾之鳥耳是也百官建旗

箋云織徽織也將帥以下衣皆

著焉

織史記漢書謂之幟疏自王以下其制如所建旌旗而畫之其象但小耳以絳為緣各畫其章又絳

為旒古
名於木

韓奕王錫韓侯淑旂綏章注交龍為旂綏大

綏也

疏即王刺下大綏即交龍旂竿所建
與旂共一字為青牋表章故云綏章

覲禮天子

乘龍載大旆象日月升龍降龍

注大神
大常也

漢東觀書東

平王蒼議曰旂有龍章日月以備其文

周罕旗

史記武王入商百夫荷罕旗以先驅

後漢志注同
右乘白旄以麾

東京賦雲罕九旂注薛綜曰旌旗名春秋正義鄭

有蜚弧齊有靈姑鉞皆諸侯之旗也趙簡子有蜚旗

卿之旗也

詩王錫韓侯淑旗綏章

江漢既設我

旗 車攻悠悠旆旌 出車設旒建旒

衛干旄干

旌干旗 晉趙簡子蠶旗 吳肥胡 宋旌夏 左

傳鄭命二拒旂動而鼓晉中軍風于澤亡大旆之左

旂張侯曰師之耳目在吾旗鼓 城濮之戰狐毛設

二旆而退之 吉行以績蒨師行以白旆 繼旗者

旒繼旒者旆

周鳧旌

隋巢子

一云
墨子

天賜武王黃鳥之旗以伐殷

隋禮志周

書王會張羽鳧旌禮記云龍旂九旒天子之旌也 晉

志成王之會壇垂陰雨五方之盛有八十物宗馬鳥旌

奚往不格秦皇并國豐貂東至獬豸南來又有玄旗卑

旒之制旒頭罕車之飾

周黃旂

司馬法天子之義旂夏后氏玄首人之執也殷白天子

之義也周黃地之道也

旂首有
鈴曰旂

管仲九章

管子兵法篇第十七三官不繆五教不亂九章著明三
官一曰鼓二曰金三曰旗旗所以立兵利兵偃兵也五
教一曰教其目以形色之旗二曰教其身以號令之數
三曰教其足以進退之度四曰教其手以長短之利五
曰教其心以賞罰之誠九章一曰舉日章則晝行二曰
舉月章則夜行三曰龍章行水四曰虎章行林五曰鳥
章行陂六曰蛇章行澤七曰鵠章行陸八曰狼章行山

九曰舉鞞章則載食而駕

鞞輜也謂輜其章而舉之

九章既定而動

靜不過 禮大司馬中夏教茷舍辨號名之用帥以門

名縣都各以其名家以號名鄉以州名野以邑名百官

各象其事以辨軍之夜事

古者晝戰則目相視故為之旌幟夜戰則聲相聞故為之

號名 大傅殊徽號昭二十一年宋廚人 漢曰揚徽者公徒也詩六月織文為章

漢赤幟 朱旗

紀高祖為沛公祠黃帝祭蚩尤於庭而繫鼓旗幟皆赤
由所殺白帝子者赤帝子也 贊旗幟上赤協于火德自

然之應得天統矣 叙傳神母告符朱旗迺舉 東京賦

高祖膺錄受圖杖朱旗而建大號 燕然山銘朱旗絳

天 韓信傳拔趙旗幟立漢赤幟二千 功臣表周昌

為職志注主旗幟之屬 東觀漢記段熲為并州刺史

曲蓋采旗 文選注
引之

漢大將旗

韓信傳信謂軍吏曰趙已先據便地壁且彼未見大將
旗鼓未肯擊前行平旦信建大將旗鼓行出井陘口

漢黃屋左纛

史記贊朝以十月車服黃屋左纛 高紀乘王車黃屋
左纛注李斐曰天子車以黃繒為蓋裏纛毛羽幢也在
乘輿車衡左方上注之蔡邕曰以犛牛尾為之如斗或
在駢頭或在衡 續志聖人處天子之位黃屋左纛所
以副其德章其功也 賈誼傳諸王或戴黃屋注師古
曰天子車蓋之制 河東賦揚左纛被雲梢 東京賦
方鈞左纛鈎膺玉環鑿聲噦噦和鈴鈇鈇屬車九九乘

軒並轂斑駁重旃朱旄青屋雲罕九旂釵戟鞞轡鬃鬣
被繡虎夫載鵝注薛綜曰左纛以旄牛尾大如斗置駢
馬頭上以亂馬目不令相見朱旄旄牛尾赤色者也鬃
鬣鬣頭茸騎也 東方朔傳對曰羿為旄頭注應劭曰
旄頭以羽林為之髮正上向而長衣繡衣在乘輿車前

梁丘賀傳先毆旄頭

注同上
志昂曰旄頭 天文

光武紀建武

二十八年正月己巳賜東海王疆虎賁旄頭注魏文帝
列異傳曰秦文公時梓化為牛以騎擊之或墮地被髮

牛畏之入水因是置旄頭騎使先驅 宋禮志周禮無

相風畢網旄頭之屬此非古制明矣何承天謂戰國並
爭師旅數出懸烏之設務察風稜晉武問侍臣旄頭何
義彭推對曰秦國有奇怪觸山截木惟畏旄頭故虎士
服之則秦制也張華曰有是言而事不經臣謂壯士之
怒髮踊衝冠義取於此摯虞決疑無所是非徐爰曰彭
張各言意義無所承據案天文畢昴之中謂之天街故
車駕以畢罕前引畢方昴圓因其象星經昴一名旄頭

故使執之者冠皮毛之冠也 柳宗元祭纛文豐有大
特化為巨梓秦人憑神乃建葦頭是為兵主用以行師
漢宗蚩尤亦作靈旗既類既禡指于有罪北面詔盟抗
侯以射雖有古典今棄不用 太白陰經曰纛六大將
軍中營建出引六軍 元魏有纛頭行幸及征伐建于
旗上 唐衛尉器用纛居其一蓋旄頭之遺象 節度
使植六纛 本朝有阜纛十二左右各六

漢大旂

見金根車

漢秦一縫旗 靈旗 井旗

郊祀志元鼎五年秋為伐南越告禱秦一以牡荆畫幡

日月北斗登龍以象太一三星為秦一縫旗命曰靈旗

為兵禱則太史奉以指所伐國其春滅南越

五年夏呂嘉反秋遣

路博德等五將軍討之 食貨志治樓船旗幟加其上 注李奇曰牡荆作幡柄也

晉灼曰天極星其一明者太一也旁三星三公也畫一

星在後三星在前師古曰以牡荆為幡竿 禮樂志秦

元歌招搖靈旗九夷賓將注師古曰畫招搖於旗以征
伐 甘泉賦招繇秦壹舉洪頤旗名樹靈旗 西京賦建

玄弋植招搖注薛綜曰玄弋北斗第八星名為矛頭招
搖第九星名為盾今鹵簿中畫於旗建以前驅 郎顛

傳以五月丙午遣太尉服干戚建井旗注書井星之文
於旗 唐獨孤授靈旗賦三星前列九仞高懸 戰國

策建九旂從七星之旗此天子之位也

傳三辰旂旗
疏曰畫北斗

七星 曲禮行前朱鳥而後玄武左青龍而右白虎四

獸為軍陳
象天也

招搖在上急繕其怒

畫招搖星於旌旗上以
堅勁軍之威怒象天帝

也招搖星在北斗杓端
主指者北斗第七星

曹植七啓垂宛虹之長綏抗

招搖之華旂 光武紀贊神旌乃顧遮行天討

漢太常 牙旗 羽旗 翠旌 翠華旗

續志太常十二旂九仞曳地日月升龍象天明也 校

獵賦靡日月之朱竿曳彗星之飛旗

李善注朱竿太常
之竿也穆天子傳

曰日月之旗
七星之文

立歷天之旂曳捎星之旃

南都賦望翠

華兮歲黈建太常兮排排

東京賦建辰旒之太常紛

颺悠以容裔戈矛若林牙旗續紛 西京賦垂翟葆建

羽旗

注集羽
為旌旗

郊祀志置壽宮北宮張羽旗 禮樂志

房中歌芬植羽林雲景杳冥金支秀華庶旒翠旌

師古
曰析

五采羽注翠旒
之首而為旌

上林賦建翠華之旗

張揖注以翠
羽為葆也

歷

吉日以齊戒襲朝服乘法駕建華旗鳴玉鸞 田蚡傳

前堂立曲旃

注禮大夫建旃
曲柄上曲也

司馬相如賦楚王云云

靡魚須之橈旃曳明月之珠旗

師古曰大魚之須出東
海見尚書大傳橈旃即

曲旃
也

漢鸞旗

賈捐之傳孝文帝詔曰鸞旗在前屬車在後注師古曰鸞旗編以羽毛列繫幢旁載於車上大駕出則陳於道而先行屬車相連屬而陳於後也甘泉賦流星旄而電燭兮咸翠蓋而鸞旗輿服志鸞旗者編羽毛列繫幢旁民或謂之雞翹非也注胡廣曰鸞旗以銅作鸞鳥車衡上與本志不同楊秉傳上疏曰非郊廟之事則鑿旗不駕注漢官儀曰前驅有雲罕皮軒鑿旗車東

京賦鸞旗皮軒通帛綉葆雲罕九旂注鸞旗以象鸞鳥也雲罕旌旗別名九旂亦旗名 晉有鸞旗車

漢龍旂 熊旗

通典漢制龍旂九旂七刃以象大火鳥旗七旂五刃以象鶉火熊旗六旂五刃以象參伐龜蛇旒四旂四刃以象營室弧旌枉矢以象弧也此諸侯以下所建也 宋志漢制五色安立車建龍旂 隋志應劭漢官大輅龍旂畫龍於旂上也 東京賦威龍旂而繁纓注交龍為

旂 西都賦張鳳蓋建華旗 西京賦棲鳴鳶曳雲梢

弧旌枉矢虹旃蜺旌注上林賦曰拖蜺旌 博古圖有

漢旂鈴

漢五旗 晉九旗 五旗 唐五旗 見車類

揚雄傳河東賦鳴洪鐘建五旗注漢舊儀云皇帝車駕

建五旗蓋謂五色之旗也以木牛承其下取負重致遠

也 宋志五旗者五色各一旗以木牛承其下徐廣云木牛取負重而安穩也五旗纒竿即禮記德車結旌不

盡飾也戎事乃散之武車綏旌垂針之也 晉潘岳傳藉田賦九旗揚旆雲

罕晡藹 晉志五牛旗平吳後所造以五牛建旗車設

五牛青赤在左黃在中白黑在右旗常纏而不舒唯天

子親戎五旗舒旆

通典同

周遷車服記晉元帝始制五

牛之旗

唐儀衛志五牛旗隊黃居內赤青居左白黑

居右各八人執

通典同

漢江都王非以軍功賜天子

旗

魏赤旂

魏志明帝景初元年三月定歷改年為孟夏四月服色

尚黃犧牲用白戎事乘黑首白馬建大赤之旂朝會建
大白之旗 晉輿服志太元中東宮建乘路有青赤旂
徐邈議太子既不備五路赤旂宜省

吳黃龍大牙 牙幢

吳志黃武八年夏黃龍見樊口權因瑞改元又作黃龍

大牙常在中軍諸軍進退視其所向

後漢袁紹傳注真
人水鏡經曰凡軍

始出立牙竿必令全堅牙門旗竿軍之精
也即周禮司常軍旅會同置旌門是也

胡綜作黃龍

大牙賦狼弧垂象實惟兵精聖人觀法是效是營乃律

天時制為神軍取象太乙五將三門疾則如電遲則如
雲進止有度約而不煩四靈既布黃龍處中周制日月
實曰太常桀然特立六軍所望軍欲轉向黃龍先移金
鼓不鳴寂然變施闇謨若神可謂秘竒 吳都賦吳王
乃巾玉輅輶駟旗魚須常重光羽旄揚黜雄戟耀芒
貝冑象弭織文鳥章 陸遜傳為右部督討丹陽賊益
施牙幢潛出谷間 晉元帝加陶侃奮威將軍假赤幢
曲蓋輅車鼓吹

牙旗

黃帝出軍決五色牙旗隨天氣四時 真人水鏡經凡

軍始出立牙竿必令堅 魏志典韋傳牙門旗長大

莫能勝韋一手建之 吳志陸遜討山越益施牙幢分

布鼓角 後魏書大將行師唯長孫嵩奚斤給漏刻及

十二牙旗 太白陰經纛六口大將中營建出引六軍

古者天子六軍諸侯三軍今天子十二諸侯六軍故纛

有六以主之門旗二口色紅八幅大將牙門之旗出引

將軍前列門槍二根以豹尾為刃榼出居紅旗後止居
帳門前左右安立五方旗五各具方色大將中營建出
六纛後在營亦於纛後隨方而建隊旗二百五十面尚
色圖禽與本陣同五幅認二百五十口 後漢滕輔晉

袁宏顧愷之有祭牙文

烈烈高牙

晉白獸幡 駙虞幡

職官志武帝以陳總為殿中典兵中郎將遷將軍帝每
出入總持白獸幡在乘輿左右兩簿陳列齊肅 張華

傳白帝遣駙虞幡 淮南王允傳陳淮遣麋駙虞幡以

解圍 桓溫傳殷浩欲以駙虞幡住桓溫軍 安帝紀

元興元年討桓玄二月丁巳遣侍中齊王柔之以駙虞

幡宣告荆江二州使罷兵 古今注魏有青龍朱鳥玄

武白虎黃龍幡五以詔四方晉朝唯用白虎幡信幡用

鳥書取其飛騰輕疾也

乘輿畫為白虎取其義而有威信之德也

晉青龍旂

禮志康帝建元元年納皇后而儀注陛者不設旄頭殿

中御史奏云云昔迎恭皇后惟作青龍旂其餘皆即御物今當臨軒遣使而五牛旂旒頭單罕並出

隋青龍騶虞旗 唐青龍旗

盧賁傳高祖受禪賁奏改周代旗幟更為嘉名其青龍騶虞朱雀玄武千秋萬歲之旗皆賁所創

後周太常畫日月五星

禮緯稽命徵云天子旗九刀曳地諸侯七刀齊軫大夫五刀齊杖士三刀齊首

唐志金吾曹

曹大朝會行從給青龍旗纛稍於衛尉

唐麟旗 二十四旗 三十二旗 鷹旗

儀衛志大駕鹵簿第一辟邪旗二應龍旗三玉馬旗四

三角獸旗五黃龍負圖旗六黃鹿旗七飛麟旗八馭馵

旗九鸞旗十鳳旗十一飛黃旗十二麟旗

開元禮義疏曰高宗時麟

見苑圖改元麟德制麟旗

十三角端旗十四赤熊旗十五兕旗十六

太平旗十七犀牛旗十八駿鷄旗十九驪驪旗二十駟

牙旗二十一蒼烏旗二十二白猿旗二十三龍馬旗二

十四金牛旗

又有青龍白虎旗

元日冬至大朝會左右衛黃旗

仗立兩階之次鑿甲弓箭刀楯皆黃第一麟旗隊二角

端旗隊三赤熊旗隊次左右驍衛赤旗仗坐于東西廊
下鑿甲弓箭刀楯皆赤一鳳旗隊二飛黃旗隊三吉利
旗隊四兕旗隊五太平旗隊次左右武衛白旗仗居驍
衛之次鑿甲弓箭刀楯皆白一五牛旗隊黃居內赤青
居左白黑居右各八人執二飛麟旗隊三馱馱旗隊四
鸞旗隊五犀牛旗隊六鷓鴣旗隊七麒麟旗隊八驍驎
旗隊次左右威衛黑旗仗立于階下鑿甲弓箭楯皆
黑一黃龍負圖旗隊二黃鹿旗隊三駙牙旗隊四蒼烏

旗隊次左右領軍衛青旗仗居成衛之次蓋甲弓箭楯

攢皆青一應龍旗隊二玉馬旗隊三三角獸旗隊四白

狼旗隊五龍馬旗隊六金牛旗隊二十四旗無吉利第一隊執

鴟鷂旗第二隊執豹旗六典武庫令旗之制三十有

二曰青龍白獸朱雀玄武黃龍負圖應龍龍馬玉馬鳳

皇鸞鷓鴣太平麒麟飛麟飛黃馱驪白澤五牛犀牛金

牛兕三角獸角瑞吉利驪騶駒牙黃鹿白狼赤熊辟邪

莖文刃旗注周司常掌九旗黃帝鷓鴣鷹鳶為旗今白

澤朱雀辟邪玄武等旗金吾隊所執青龍白獸麒麟角
端赤熊等旗左右衛隊所執鳳皇飛麟馱騶旗犀牛
鷄鶡驪驪等旗武衛隊所執應龍三角玉馬白狼龍馬
金牛等旗領軍隊所執黃龍負圖黃鹿駟牙蒼烏等旗
威衛隊所執莖文旗脚為莖文刀旗
大端驪也 六典注五旗仗見西
薄

隋志諸衛左右廂旗圖樣十五卷

唐五旗

通典唐衛公李靖兵法曰諸軍將五旗各准方色赤南

方火白西方金皂北方水碧東方木黃中央土土既不
動用為四旗之主而大將行動持此黃旗於前立如東
西南北有賊各隨方色舉旗 問對太宗曰方色五旗
為正乎旂麾折衝為奇乎分合為變其隊數曷為得宜
靖曰臣參用古法凡三隊合則旗相倚而不交五隊合
則兩旗交十隊合則五旗交吹角開五交之旗則一復
散而為十開二交之旗則一復散而為五開相倚不交
之旗則一復散而為三兵散則以合為奇合則以散為

奇三令五申三散三合復歸于正四頭八尾乃可教焉
此隊法所宜也 李光弼代郭子儀朔方麾幟無所更
一號令之氣色益精明

唐衙門旗 五采牙旗

儀衛志大駕鹵簿衙門旗二人執四人夾 官志殿中
侍御史巡幸則往來門旗之內檢校文物虧失者 禮
志講武於都外建五采牙旗建旗為和門如方色 本
朝志古者天子出建大牙今制赤質錯采為神人象中

道前後各一門左右道分五門門二旗蓋取周制
建旌表門及天子五門之制 含元殿賦火烈門
旂霜交陛戟赤旗絳庭 張衡東京賦牙旗繽紛
薛綜注曰將軍之旌開元禮義羅曰牙旗後周所
制畫獸示兵威取爪牙之義 魏典韋一手建牙
門旗

唐黃麾 絳麾

儀衛志黃麾仗左右廂各十二部大駕鹵簿左右翊駕

在黃麾內次玄武幢一又一居絳麾後次絳麾一左右

夾玄武幢次細稍十二孔雀為旣左右橫行

西京雜記
漢大駕有

前黃麾

晉中朝由簿有黃門麾御麾

在約古今注麾所以指麾來與以黃

開元禮義纂

唐太宗法夏后之前制取中方之正色故制大麾色黃
今禮其制十二幅 會要天寶九載七月五日諸衛隊
仗緋色旗幡改為赤黃以符土運

唐六色氅 告止旂 傳教幡 五色幡

儀衛志黃麾仗第一行長戟六色氅領軍衛赤威衛青

黑武衛鶩駢衛白左右衛黃第二行儀鎧五色幡

又有孔雀

鸚鵡或鷓鴣

首尾廂皆絳引幡二十太子鹵簿儀鎧五色幡

六人絳引幡十二親王鹵簿有絳引幡六告止幡四傳

教幡四信幡八凡幡皆絳為之書官號篆以黃飾以鳥

翅取其疾也金塗鈎竿長一丈二尺左麾右幢一品告

止傳教幡皆二信幡六二品三品信幡四四品五品信

幡二萬年令有告止傳教信幡皆二

宋孝武詔信幡非臺省官悉用絳

本朝志斃緝鳥毛為之唐有六色孔雀大小鵝毛雞

毛之制今為四角小蓋每角垂珠佩間以朱緣周綴五

色帶繡雲龍孔雀白鵝有三色之別繫龍頭竿竿制如

戟幡本幟也古之徽號貌幡幡然皆絳帛錯采為字上有朱

緣小蓋四角垂羅之佩繫龍頭竿上畫錯采字下告止

為雙鳳傳教為雙白虎信幡為雙龍又有絳引幡制頗

同作五色間暈無字兩角垂佩 景祐五年改制旂麾

易為小篆舊用隸字 古今注曰信幡 用鳥書漢志曰蟲書古幡信

建隆攝提旗

建隆四年將郊祀禮儀使陶穀建議取天文大角攝提之象作攝提及北斗二十八宿十二辰龍墀十三旗五方神五方鳳四瀆等旗元豐三年改制各著其象以則天文攝提旗舊圖色赤繪為人形元豐三年七月十三日更定鹵簿去所繪人形有司循舊未改元祐七年十月二十七日太常始請改造和四年改著其象旗色用青從天之色以放天文

宣和鹵簿記左
右攝提旗二

天官書大角者天王帝庭兩旁各有三星曰攝提直斗

杓所指以建時節張衡東京賦攝提運衡薛綜注攝提
有六星飾於車上國朝制旗猶車飾也 東都賦屬御
方神曲禮招搖在上左傳三辰旂旗疏曰畫北斗七星
建隆二十一旗

見下段 國初增二十一旗取諸天文瑞物

開寶龍旗 引駕旗 龍墀旗 合璧連珠旗

黃龍負圖旗

龍旗十二謂風伯雨師雷公電母各一星五左右攝提

二北斗一也引駕旗十六謂十二辰天王二等旗

唐天寶元

年安西城樓上
有天玉現形

龍墀旗十三謂天下太平一五方龍旗

各一君王萬歲一金鸞金鳳各一師子二日月各一

以上

舊令無並開寶通禮新禮
加見皇祐大饗明堂記

漢武帝造太初歷日月如合

璧五星如連珠皇朝取此義制旗日月合璧一莖文二
夾之五星連珠一祥雲二夾之建隆中將郊祀太祖又

詔別造大黃龍負圖旗一黃龍負圖旗一

顧野王符瑞
圖曰魚龍負

圖從河中出付黃帝黃龍從
洛水出五米負圖出洋前

大神旗一日月旗二君王

萬歲一天下太平一師子二金鸞鳳各一五龍旗五凡
二十一旗皆有架南郊用之大黃龍負圖旗陳於明德

門前餘二十旗悉立於宿頓宮前朝會冊禮陳於殿庭

唐六典有黃龍負圖太平旗今黃龍負圖旗青色錯米
為黃龍負一九二四六八三七五之數政和四年六月

十一日所改周顯德中有狂僧呼於宋城曰不數年

天下當太平矣俄而太祖受命因為天下太平旗開元

禮義羅曰漢武帝時老人生見有謠曰天下太平政制

其旗畫天下太平字於上開寶道禮新加吏兵力士

并赤豹黃熊龍君虎君旗淳熙元年正月朔朝賀殿門

外卓立大旗三十四軌道七年冊太子同上尊統冊寶

赤如之郊祀騎立大旗

十一明堂卓立大旗十一

開寶錯繡諸旗

黃麾仗

詳見函
簿類

志唐禮殿庭屯門皆列諸衛黃麾大仗太祖增創錯繡
諸旗并幡斿等著於通禮正至五月朔御正殿則陳之
青龍白虎旗各一五嶽旗五五星旗五五方龍旗二十
五五方鳳旗二十五紅門神旗二十八朱雀真武旗一
皂纛十二天一太一旗一攝提旗二五神旗五北斗二
十八宿旗各一風伯雨師旗各一白澤馴象仙鹿玉兔
馴犀金鸚鵡瑞麥孔雀野馬犛牛旗各二合璧連珠旗

各一雷公電母旗一軍公旗六黃鹿飛麟兕駟牙白狼

蒼烏辟邪網子貌旗各一信幡二十二傳教告止幡各

十二黃麾二

以上兵部

日月君王萬歲天下太平師子金鸞

金鳳五方龍旗各一

以上龍塲

龍君虎君赤豹黃熊各五小

黃龍旗天馬旗一吏兵力士旗各五天王旗五太歲旗

十二天馬旗六排闌旗六十左右幡斝各六行大黃龍

旗二大神旗六

以上六單

文德殿入閣淳化三年五月增

黃麾仗二百五十人

志黃麾其制十二幅絳帛為之如幡錯米成黃麾字下續文龍朱漆

罕金龍首上垂朱絲
小蓋 開寶禮同

大朝會黃麾大仗陳殿庭然闕畧

不恚如唐制而旗斃有刃焉 西京雜記漢大駕有前

黃麾崔豹古今注乘輿黃諸公朱刺史二千石纁所以

指麾

開寶三瑞旗

建隆二年隴州楊勳獻鸚鵡鄆州姚光輔獻白兔二壽
州王審琦獻白兔一三年有象至安復黃州開寶初有
象至京師羣臣表賀以為撫有南海之兆未幾平嶺南

乾德六年親郊有司請以祥瑞著旗章遂作金鸚鵡
玉免馴象三旗十二月癸卯郊祀改六年為開寶元年

拾遺記月中青珠為免開寶七年瓊州獲白鹿守臣周仁俊以獻

乾德四年開封及耀果州麥兩岐單州三岐澶州三
岐至六岐長春節甘露降於江陵連十日霏微如煙霧
漬栢葉皆甘守臣盧懷忠采葉以獻通禮加仙鹿瑞麥
甘露旗各二元豐元年更定鹵簿請去龍虎仙童大神
金鸚鵡網子騰蛇神龜等旗元符二年黃裳言南郊大

駕諸旗因事命名乃製寶符重輪祥光瑞鶴旗政和四

年十二月庚午製芝禾並秀日有戴承旗

先是大觀中有嘉禾芝草

並生二月日有戴承氣

又有雙蓮翔鶴

六年十二月製瑞鶴

天正堯瑞萬年

連理木旗宣和中有文石祥光旗

元豐車旃旂物制度 黃麾制度

元豐三年七月十四日乙亥詳定禮文所言者詳鹵簿
記公卿奉引開封令乘輅車開封收革車隼旗太常卿
革車鳳旗司徒革車瑞馬旗御史大夫革車獬豸旗兵

部尚書革車虎旗臣等考之皆為非是縣令當乘墨車而建物牧當乘墨車而建旂太常卿當乘夏纁而建旃司徒當乘夏篆而建旃御史大夫當乘夏纁而建旃所以參備周禮九旗之制從之仍令講求車旃旂物制度以聞 二年十月八日癸卯詳定朝會儀注所言御殿儀仗有黃麾幡一而無黃麾請製大麾一注旒於干首以取夏制黃色以取漢制用十二幅以取唐制用一旒以取今龍墀旗之制元會陳仗衛建於當御廂之前以

為表識後則建黃麾幡二并上其制度帝曰黃麾制度
考詳前志終有可疑今鑿而為之植於大庭或致博聞
多識者譏議姑闕之遂止 紹興十三年閏四月禮官

請玉輅並建旂常四輅各建所載之旗

政和中玉輅以太常

大旂建於左右而去闕戟今玉輅左建太常繡日月星辰右建龍旂繡交龍皆用青羅表裏文繡

三禮圖覲禮注云王建太常繡首畫日月其下及旂交
畫升龍降龍繡皆正幅用絳帛為質旂則屬焉又用弧
張繡之幅又畫枉矢於繡之上注旂與羽於竿首其枉

長九仞其存曳地左傳三辰旂旗昭其明也太常之上
又畫星阮氏梁正等圖旂首為金龍頭唐志云金龍頭
銜結綬及鈴綬則古注旄羽竿首之遺制也 熙寧七
年八月十二日太常言五牛旗蓋古之五時副車也以
木牛載旗用人輿之失其本制宜省去詔可

紹興華旗

紹興二十五年十月九日周麟之言太廟生靈芝九莖
蓮葉宜製華旗繪靈芝之形以章偉績奏可十一日禮

部侍郎王珉等言贛州太平瑞木黎州甘露道州連理
木遂寧嘉禾鎮江瑞瓜南安雙蓮嚴信州芝草皆太平
盛事請命有司圖狀製為華旗從之

參照由簿行旗內
未盡者製造十一

月癸亥郊祀建
靈芝瑞木等旗



玉海卷八十三